



● 1 ҚЫРКҮЙЕК – БІЛІМ КҮНІ

Университет дәстүрлі форматта оқытуға дайын

Айжанат БАҚЫТҚЫЗЫ

Д.Серікбаев атындағы Шығыс Қазақстан техникалық университетінің инфрақұрылымы студенттерді дәстүрлі оқыту форматында қабылдауға толығымен дайын. Бұл туралы университеттің басқарма төрағасы-ректоры Жасулан Шаймарданов білім шаңырағының жаңа оқу жылына дайындығы жайындағы брифинг барысында айтты.

Университет ректоры Жасулан Шаймардановтың айтуынша, профессорлық-оқытушылар құрамы мен қызметкерлердің 98% вакцина алды. Қызметкерлер мен оқытушыларды вакцинациялауға тарту үшін түсіндіру жұмыстары мен ынталандыру шаралары жүргізілген. Вакцина алған 500-ге жуық қызметкерге сыйақы түрінде материалдық көмек берілді.

Вакцинация мәселелері бойынша түсіндіру жұмыстары жүйелі түрде жүргізіліп, медицина қызметкерлерімен онлайн кездесулер ұйымдастырылды. Соның нәтижесінде қазір студенттердің арасында вакцинациялау қарқынды жүруде, – деді Жасулан Құдайбергелулы.

Биылғы оқу жылында вакцина алған ақылы бөлімнің студенттері үшін оқуға 5% жеңілдік қарастырылған. Сонымен қатар студенттер арасында сыйлық сертификаттарының ұтыс ойыны өткізіліп, 60 студент қаржылай сертификатқа ие болды. Ақшалай жүлделер ұтыс ойынында 70 студентке берілмек. Алдағы қыркүйек айында студенттердің Абай жеріне туристік сапары және «Простор» жазғы экспедициялық кампусінде тиминдинг өткізу жоспарланып отыр.

Санитарлық дәрігердің қаулысына сәйкес ектеу шаралары енгізіліп, жатақхана, кітапхана, ірлік оқу корпустарына оқытушылар мен студенттер «Ашық» жүйесі арқылы кіреді.

Университет басшысы айтып өткендей, оқу оқулары мен жатақханалар санитаризер, дезинфекциялық және кварцтауға арналған шамдар- н, дезинфекциялық кілемшелермен қамтамасыз іген. Медициналық пункт барлық қажетті параттармен жабдықталған. Студенттер мен қызметкерлердің денсаулық жағдайын бақылау н «Олимп» зертханасымен келісімшарт жаса-

лып, COVID-19 тестілерін жедел өткізу үшін экспресс тестер сатып алынды.

Санитарлық-эпидемиологиялық қауіпсіздікті қамтамасыз ету мақсатында жасалған регламент бойынша кіреберістерде дезинфекциялық тоннельдер орнатылған. Маскалық режим, термографиялық бақылау, ғимаратты санитарлық өңдеу кестеге сәйкес жүзеге асырылады. Барлық аудиториялар мен зертханаларда, асхана мен кітапханада қашықтық сақтау таңбалары жасалды. Дәрігердің кезекшілігі ұйымдастырылып, жатақханада студенттердің денсаулығына күнделікті мониторинг жүргізіледі.

Кітапхананың оқу залы кең және көпфункционалды. Студенттер кітапхана қорына еркін қол жеткізе алады. Қажетті кітаптарды өз бетімен алуға, тіркеуге және пайдалануға жағдай жасалған.

Университеттің басқа қала-аудандардан келген студенттерге арналған 1500-ден аса орындық үш жатақханасы бар. Бұл жатақхана қажеттілікті толығымен жабады. Болжам бойынша, жатақханаға қажеттілік – 985 орын, оның ішінде «Серпін» бағдарламасымен оқитын 178 студент бар.

Жаз бойы жатақхана бөлмелерінде, жылу және су жүйесіне, тұрмыстық техникаға ағымдағы жөндеу жүргізіліп, жаңа жиһаздар жасалды. Барлық жатақханаларда фитнес-залдары жабдықталған.

Университеттің академиялық қызмет жөніндегі проректоры Жадыра Қоңырбаева түсіндіріп өткендей, биыл студенттер бакалавриат, магистратура және докторантурада аралас оқыту форматы бойынша білім алады: дәрістер онлайн, тәжірибелік және зертханалық сабақтар офлайн өтеді.

Пәндердің электрондық мазмұнын оқытушылар



Oren Edx, Moodle BKTU, Google Classroom платформаларында жүктеді. Студенттер алта сайын бейнематериал түрінде берілген дәрістермен өз бетінше танысады және тақырып бойынша оқиды. Дәріске қатысу арнайы жүйелермен бақыланады. Ал тәжірибелік сабақтар қоңыраулардың икемді кестесімен және екі ауысыммен, сабақтар арасындағы әртүрлі уақыттағы үзілістермен өтеді.

Студенттер аудиторияда 2 метр, зертханада 5 метр әлеуметтік қашықтықты сақтай отырып шахмат тәртібімен отырады. Аудиториялардың толымдылығы 50%-дан аспайды. Оқу практикасы теориялық оқытуға біріктірілген және студенттер базалық инженерлік біліктіліктерді университеттің құзыреттілік орталықтарында ала алады.

Физика мен химия пәндері бойынша зертханалық жұмыстар алдын ала жазылу бойынша жүргізіледі. Зертхананың жұмыс кестесін, жұмыстың әдістемелік нұсқауларын білім беру порталында орналасқан EKTU-LAB парақшасы

арқылы білуге болады. Онда алдын ала жазылып, зертханалық жұмыстардың орны мен уақытын броньдауға болады, – деді проректор Жадыра Қоңырбаева.

Денешынықтыру пәні бойынша оқу процесін ұйымдастыру кезінде студенттерге «Таңдау», «Команда», «Денсаулық», «Кәсіпқой» бағдарламаларының бірін таңдау ұсынылады. Оқу жүктемесінде денешынықтырумен айналысудан басқа, дарынды студенттерді анықтау, оларды спорт секцияларының қызметіне тарту, жоғары деңгейдегі жарыстарға дайындау ұйымдастырылады. Мәселен, «Команда» бағдарламасы бойынша студенттер спорттың 15 түрі бойынша жыл сайынғы Универсиадаға дайындалады. «Денсаулық» бағдарламасындағы сабақтарға анықтама бойынша босатылған студенттер қатысады. Ал «Кәсіпқой» бағдарламасы кәсіби спорт түрлерімен айналысатын спорт шеберіне үміткер студенттерге арналған.